

箕

谷

詩

鈔

簞谷詩鈔卷十三

海昌查 揆梅史著

和淵明飲酒二十首

自夏徂秋旅泊吳下祥伯自魏塘來倡子和汝篇什
未半舟楫已具翩然言別凜冬風雪無意語言酒次
斐然思復有作適南廬亦還鄉里舉杯屬之曰失一
老兵得一老兵亦無悶焉一笑闐然遂各次第如淵
明之數

牧童豈知道後者須鞭之仁智各有會爲學貴及時汲汲謀
賤貧憂危寧獨茲牀頭一尊酒不復相然疑議論何所益日
夕爭相持

嶽雲旣辭嶺責望不在山始知壩處者所託多空言若看古
臺尙炫惑今幾年循名聖所訓黽勉虛聲傳

榮名衆所攬危甚唯其情情苟不自持實敗何有名彌縫留
此罅禪學因以生以噎乃廢食坐使愚蒙驚卓哉性善旨孝
弟仁由成

旁聞太息聲大鳥三年飛此語雖慰藉中含萬古悲沈湎縱
阮誕棲泊冀劉依空倉噪黃雀歲晚當來歸上堂告慈親髮
短心未衰臯鸞翼不接蘭鮑味多違

聖狂去日遠跼紛以喧所詣各有至何爲諱其偏綿羽不
慕困潛鱗非沈山夫道若大路一貫可往還窅然領其際意
得勿復言

造物始生我命意何者是既生勿復問任其自成毀成毀良有因四十亦聊爾其上非保傭其下非紕綺

翱翔出寥廓所遇皆其英元稹衆所畏謂彼非人情顧我何能爾車蓋交相傾葭灰苟入律卽叶歸昌鳴孟門與太行險巖將毋生

毛施不可作刻畫蒙俱姿棘林燿鬼焰何與樛木枝公孫善側目小異亦見奇澹然契夷惠崛疆將奚爲所苦飛黃皐鼂豆難以羈

臨觴忽不御鬱抱何時開中夜凡數起亮其非好懷確乎信所執入世俄已乖君子事行役室婦悲雞棲似聞路人言吾子辱在泥此語信然否抑亦譏與諧爲道苟無得七聖猶有

迷戚戚徒自苦秉德期勿違

煦煦老嫗語四座多向隅我頑不慣聞明日當首塗酒顏猝
難犯劍映羣蠅驅峭厲足矯俗懼其無復餘旣醒行自悔退
焉心所居

吾友白眉生今之郭有道行年五十近童然禿以老元言與
妙諦溫風煦羣槁嫵媚魏公如狀貌留侯好養生無所言好
色以爲寶目笑班孟堅穿鑿作人表

吁嗟莽大夫麟見非其時孟浪作美新刻苦工文辭柳子干
載後感慨亦在茲反復瓶鴟夷詰難多自疑井眉固可危鴻
濛將誰欺拔君國語例欲是還非之

歲晏亟言歸竹柏翳幽境何以對妻孥爛醉慎毋醒所苦技

止此老穉久已領北林晨風詩洛誦一何穎緬彼淳於女慨想夙所秉

層冰鬱嵯峨我僕久未至傳聞異旦晚那復足霑醉恐汝死沈溺飢寒抑其次豈無謝仁祖請乞未爲貴君子當固窮慨乎有深味

素衣援祥琴亟安靈所宅羚羊香象閒其說窮無迹三年爲一兆繇費辭累百悔吝存乎人冀倖在清白吾少耽雜書蠱此良可惜

有弟擅天事獨抱甘石經里無泰西學夙悟幾於成有時爲文章一字不可更今年足音稀荒草沒吾庭譬如平陰役憤激爭先鳴縱臾日以多慙亦如子情

集名詩卷十三
三
鴟炙不可求痛飲計良得酈侯畏苛禮勿爲世人惑孝章天
下才那復論通塞軍中有修期隱然若敵國張儀舌尙存丈
夫寧默默

樊南疾蠚蝨諷刺幾於風就距乃避顏或恐非由中怨誹古
不廢意過終鮮通何者爲荆玉何者爲楚弓

賈也裨闔流才辨致美仕藐之南粵作歛衽謝知己頌法稱
詩書一洗游士耻珊瑚翡翠裝照耀反鄉里郝下五男子燕
衎美人紀邀游公卿閒於義爲知止著眼烹酈生縱橫安足
時

狂狷吾不卽狡焉匪其真之千古遺直庶使澆反淳參辰杳
睽曠久要還如新酒酣畧酬酢慷慨言三秦篋中賀蘭研衣

上洮河塵風霜二十年竟爲誰殷勤掀髯快傾吐所至無疏
親况此平生交褰裳行涉津禮豈緣我設勿乃拘冠巾螟蛉
與螺贏齷齪悲世人

壬申正月四日家謫亭

人和

參軍招同南廬葵亭

人偉

辛巖

人駿

集借綠陰齋卽席次謫亭韻

門木倉琅嬭斂關尊前儔侶許相攀飢盛餅映春坊字研絹
鐙黏畫院山入坐喜聞生客少中年難得暫時閒酒龍詩虎
須公等慙媿先生季孟閒

次日葵亭招同吳思亭

修

南廬謫亭季弟

恂

重集借綠

陰齋疊前韻并致人日登高之約

荆高舊侶此鄉關聞說江梅漸可攀去日苦多看似水酒人

然諾重於山靈棋測候雷先動是日名紙飛騰雨始開弦月
已高鐙事早斜簪散髻翠微間

人日龍山登高訪徐忠懿公墓晚集真武道院次藹亭

韻

石壇孤迥出元關雨竹風蘿約共攀廢碣寒昏徐穉闕隔江
青送謝敷山舊家積習終違俗小事糊塗易得閒有客恰高
三十五可無詩句草堂間謂東完

越日偕思亭至了園小飲仍晚集借綠陰齋次前韻

春日春盤了不關狂來直欲酒星攀毀茶客闌攢眉社過雨
雲拖沒骨山戶外桃符循例換尊前髀肉幾年閒明朝楚尾
吳頭約遲爾廉泉讓水間思亭有同赴皖口之約

和榕園次前韻

安橫與爾劇相關止足高蹤不厭攀事往劣駒方過隙眼昏
一葉可遮山達心已判尊前老生計翻愁飯後閒塵海紛然
成一笑更休奇醜狀河間

正月望日重過真武道院讀去年壁閒與榕園倡和詩
次前韻奉寄

真能鬪健擬翹關白岳梯枕記昨攀萬个蒼然竹裏館一拳
精絕米堆山年豐齋日鴉爭飽客少墻陰犬亦閒無事便來
文字飲如君應號屋千間

雨泊臨平不寐作

路黑鐙縣永波喧聞近船顛毛欺骨相頑癖損酣眠二月愁

羈旅孤舟有歲年君看舵樓底鼻息腹搖便

過臯亭山下梅花已十分矣

三十年來往看花願始償山移兩岸白纜曳一船香昨暮猶
風雨佳游慰老蒼龜兒那解此拘插艣枝旁

移寓玉蓮菴湖樓三首

始我年少日跳盪匪可箴蒙泉廬舍庵出入商與參

予自乾隆癸丑

以後往來湖上所居非葛林園卽報恩禪院此兩處爲多

比鄰有富饌刻苦非誨淫玉釵

挂臣冠諒其無此心文字不媚俗垂橐羞黃金妄想香積厨
視我如淮陰堂前束修羊不復漑釜鬻辛勤贖汝歸此意何
能任崢嶸過四十雪點孤兒簪板輿幸可奉前事慙諸衾頭
上遠遊冠訪舊貴及今如聞白鷗鳥亦道相思深

有樓背城根桀閣出湖面如古玉蓮堂亦我木蘭院少年要
孤往一宿不復戀慨自羈旅來憂患况貧賤初心果何如抑
已別有見長苦僕馬勞畧取巾屐便謂於通介閒小住此其
選首座問姓名疑信語在燕當時僧雛耳二十今有美不信
四禪天如露亦如電

入春五十日苦雨何其多沙堤斷人影雁驚飛相過長年占
風角古有近頗訛無已亦習靜噉飯遑知他下有泝泝洸聒
耳無由訶忽於空濛際一點如浮鷺披雲弄窈窕笑頰開微
渦回首白佛言於意當云何

關門

關門客盡墊巾回積雨禪棲閉綠苔多謝鳳林鐘一杵朝朝

暮暮渡湖來

屋在湖光吞吐中三閒突兀獨當風此君定是何人識賣漿
城西今老翁

佛旛竿蔓古花龕風色番番辨未諳賺得湖雲無意緒趁他
暮北又朝南

德生庵感舊

孫花翁墓屋西偏了烏文窻閉夕煙鳴腳一株猶認我空堂
來往十年前

劍首蒼涼一呖空過門冠蓋馬牛風黃金散盡交游散投老
江湖號長翁

一編籌海太崢嶸會上戈船下瀨行身後遺書零落盡更無

趙括與談兵

寄孫州牧

仲良

吳縣

昔我東行過吳市，要離梁鴻先我死。
蒯緱櫓具何爲者，云是奉敎古君子。
梅花二月范蠡祠，明月去挂銅坑枝。
孫侯邀我載酒去，喜而不寐誰尼之。
男兒要無齷齪態，感激原在醉飽外。
卽看意氣薄蕭朱，敢信文章比崔蔡。
孤熊老橫蹲深叢，暗中摸索將毋同。
文書如山歛衽起，執手問訊知其窮。
嗟我端非信陵客，博徒賣漿毛與薛。
可憐三五少年游孟門，太行何
斬絕

君家治行於古論，當時東莞稱二孫。
餘事料理到賓友，此地舊有春申君。
明燈煌煌夜張讌，金底生塵君不見。
自言年少

出燕雲快馬健兒爭掣電漢庭有詔塞宣房防秋苦憶江淮
黃如今繁劇校可耐未嫌瓠白肥張蒼議論雕龍炙車輅紫
髯公眞軼倫者權奇倜儻古所難文采風流世已寡綠莎廳
事一月成紛紛畫壁還題名西州豪傑耻不與北郭儔侶誰
當爭一時同輩牽絲盛脫口無端言利病欲從傳聖問何如
塊獨懷慙建康令

有贈

拂水山光綠似萍鄂君閒夜坐空舫神仙小嫁疑嵩岳牛女
無靈讓柳星亦有酣歌憐慧業更誰團扇乞娉婷雲藍小袖
何疎俊髯也魂銷倚醉聽

東湖泛舟卽事

蜻游燕舞趁牙樯豪竹哀絲老更狂憎俗并容長捐懶愛閑
翻被看花忙雲光乍暝魚爭上萍葉無風水亦香今夜酒醒
何處泊吳門清夢繞廻腸

爽泉招同泛舟拂水

纔從爽塏避黃梅又趁湖光追暑回聊復周旋寧作我但除
落拓恐非才蟲聲欲喚秋心出花氣能烘酒戶開更與如丸
良月約白漚來處便須來

湖中晚歸有觸

焦尾溪邊一紙書猩紅鈴印守宮如紫裘有客工吹竹黃帽
廻船不礙魚逐隊袁耽方縱酒辭官潘岳乍閒居怪來酒膽
詩情外別有羈愁托望舒

謝雲伯假舟游湖

街子何煩問少年樊川煙月柘枝顛更無耳語袁臨汝別有
酣歌沈下賢大酒肥羊新保社楊枝駱馬小因緣湖中絃管
君聞否輪與周外獨放船

六月十三日同竹樓諸君游拂水盦酒河東君墓先一
日假舟於雲伯用東山集中秋泛舟韻

俊侶招攜狎白漚琴川流水入篴簫橫陳預想三年笑河朔
眞遲十日游滄海桑田人事改曉風殘月墓門秋阮生塊磊
難安著好借如虹萬斛舟

高淳湖口

槐村柳澹晚蕭寥水剝烽臺入望遙忽聽隔湖歌嘯近西南

風好一帆驕

劇旁板屋喧成市
約外沙堤畧作灣
却向白蘋花上見
一痕青斷秣陵山

桐城道中

淮南淮北路迢迢
二月征塵浹未消
忽地一灣春水漫
水楊柳外赤闌橋

盧湘槎明府隨蔣方伯勘賑至縣途次大雪寄宿民舍
以長句見貽奉酬二首

相逢一揖一軒渠
八米盧郎媿不如
使者已輸河內粟
縣官

真笑釜中魚

供張不具引范萊蕪解嘲

論交吳市吹簫外
話舊淮流擊楫

餘道是循良
吾豈敢臨歧
渺渺總愁予

檀帽茸裘老據鞍渡淮廿里勉加餐饑村市散錢無用破廟
風饕佛亦寒雪意已春猶近臘宦情如水不生湍此行暫慰
梅花夢裝作銅坑萬樹看

送朱悔齋之懷寧

淮流日夜撼江城擊柝相聞細柳營垂老蕭琛猶好色疏狂
杜牧本知兵墻陰僕每尋花出盾鼻書多被酒成苦憶夜鐙
臨別話政身鄭重一官輕

絲絲垂柳滿河干慚愧先生席未安見已嫌遲偏別早酒原
拚醉反乾難夢痕楚尾吳頭闊行色淮風別雨寒爲問漢家
寬大詔故人誰戴進賢冠

閨花朝小集和奏和

十載湖船綰綠楊

癸亥閏花朝同頻老諸君湖舫小集分韻賦詩十年於茲矣

閏花朝日

又江鄉茅亭賭酒觥

無算射圍鳴鼙鼓越狂飢溺幾人知自

媿

時方以展賑留此

迂疎此事悔輕嘗相看好在劉琨舞便不聞雞

也激昂

謂寓樣

積陰坐悶與諸君小飲淮雨亭時春賑卽畢將請代矣

淮水抱城流淮雲澹不收綠來山借樹寒重夏疑秋
弦酌沈孤柝心期托野漚茅亭行舍汝飢溺更誰憂

自鳳陽之皖途次同奏和果亭作紀實也

侵曉驅車日已中西南風捲陣雲空自家要賃西頭屋却怨
驕陽不向東

豹脚成團草舍前夜涼如水帳如煙明知晴雨無干汝故作

驚雷攪客眠

黑雲翻墨壓江城陣散猶含電影明
知向別家行雨後却來簷角放新晴

河渠水涸并無苔夾道風纏一尺灰
底事村夫偏善諛布帆高挂小車來

六月朔日五更起自舒城抵梅心驛

啟明動行色犯曉避炎溽光景墮微茫
松火延遠目田歌問農經雞鳴辨山屋
叩門乞水漿冷然漱寒玉明河澹無言
照我夢痕綠爾時朝氣涼葛苧動溫肅
聊復羲皇游頃刻鄧林逐丹黃呈諸峯
次第慰幽獨僕夫苦怨咨一勺慳溪淥
輪敝託勞薪膏煎况樺燭

題畫

沙岸溪魚屋數間
蘆風葦雨自年年
更無水旱關心事
萬頃煙波當水田

巖扉鎮日不曾開
戶外應添幾尺苔
昨夜前山新雨過
湖聲如吼一帆來

瀑流如雨下層岑
便有成連海上心
欲向過橋空闊處
著聞小閣好眠琴

十里五里花氣昏
春陰如夢暗江村
蒼苔未掃僅初起
已有杖藜客到門

奔雷噴雪走飛泉
奇絕懸崖峭壁前
記得匡廬峯下見
疎鐘一杵是開先

松根何處蒼行滕如此幽深見未曾應是胸中了無礙獨來
山寺訪南能

受代後小憩行館有觸

慚媿淮壩有頌聲畫旗簫管滿山城貧原吾分非因宦政要
人知便近名布穀烏啼新麥熟桃花信過大河平秋墳絕憶
楊耆老多少攀轅臥轍情邑民楊某因大府過臨淮與紳耆
年七十餘矣留予一日夜走百餘里以竭死

甫至巢縣因災請賑其例所不及者與邑之孝秀耆士
議輸將以助之苟有神矣敢告勞乎暇日率成四首并
示董其事者

新自淮壩受替回十年襟袖總浮埃上書已負楊高薦換縣

虛傳尹賞才定有好山容挂笏可能避債借高臺殿天柱乞
隨車雨多少窮黎臥草萊

我僕將車夜襁晨焦湖如海已揚塵肥蠟欲蟄祈田祖蜥蜴
無靈拜井神但道倪寬非俗吏可知鄭俠有流民只應慚愧
居巢長却讓周郎說指囷

柱後冠高敢息機此心何以慰周饑薪推古墓松無種菜盡
空園草不肥病犢風閑眠廢壠枯魚月黑泣荒磯劇憐滿目
瘡痍在九月何曾賦授衣

陰德相聞似耳鳴朝來閭巷有歡聲鄉人已設黔敖食天子
應知卜式名葭岸餘灰寒又暖霜溝凍骨死還生諸君便是
荒年穀萬井春煙賀世成

八蜡神

巢之烱烱有擾於鄉者八蜡神其自號也擒其猾治之擾乃已

八蜡神巢湖濬靈談鬼笑烱烱民神何驕民何苦狗吠雞飛觸神怒獨脚山魃日當午東家種瓜西家抱蔓田祖啼饑八蜡飯民年荒神年熟寫銜紙錢飛上屋一家何如一路哭昔則吏胥今太學

梧生招集山館賞雪

荒城吹霰乍依稀一夜同雲埽翠微凍樹老供樵火暖飢鳥寒趁爨煙飛天回豐稔歌方作邑有流亡醉恐非多謝臥生山影裏萬瓊花上酒人衣

題寓槎圖

劉侯謹愿者初非鑿空人胡爲顛倒著奇想賢女乃效西家
顰我知其意口能說中有鬱紆爲詭譎少年長揖東諸侯閉
門不可非好游幡然挂席滄海立黃金白璧無顏色仙槎無
恙槎有靈此客所到星辰驚當時作念苟如此或者敬謝諸
蛟鯨今年五十貌何古吾少於君十又五舊事厯厯洹河沙
寓亦非寓槎非槎讀書書多書入膽洪濤如山不能撼揭來
樂道且樂天積習已悔然乎然不然茂陵逗秋雨崑崙何有
况牛女

爲家果亭

有滌

題山外看山圖

往見桑門流輒曰修淨土西行越流沙談笑茂鄒魯道逢善

知識稽首互勞苦豈知西方人東來覓初祖兩者不相值何
由知其鹵此言信詎諧此義非朽腐人生所遭逢甘酸在肺
腑旁觀偶及之十不得三五卽如縹渺峯神人之外府玉女
數百輩明月照眉嫵鸞鶴爲家禽霓羽特恒舞夫君千萬壽
吹氣非近古意揣將毋同局外亦已盡日昨三青鳥微詞自
吞吐爲言山中人石田不溉釜風霜太高寒樵牧有觸忤南
山避長蛇北山拒猛虎仙乎乃苦飢仙也抑何補吾宗老孫
子學道力頗努古者贈人言誑語卽狎侮請看山外山失笑
兩掌拊

勘災至浮槎山憇白龍王廟汲水煮茶歐陽文忠公爲
郡守李公謹作記卽此泉也卽用公嘗新茶呈聖俞詩

韻寄合肥陳白雲明府

山深無人竈煙絕乞漿不得何論茶但逢野老一流涕忽來
破廟還驚誇殘僧百歲話古事上有細路紆秋蛇泉枯池竭
水草漫羣兒赴飲闌且呀一瓢已足味苦澀無乃黃蘗非春
芽不疑賢者始見此封題遠餉公京華恢然餘事到幽異想
見施設無些竅不然寒女委空谷幾時營蒨爲絲麻卽須亟
欲呼吾友便乞禿管揮天斜泉君所獨山所共古云讓水良
爲嘉平疇龜坼歲苦旱窮黎鵠立生無涯癡龍渴睡嬾欲死
銅瓶繡蝕將鋪花所慙俗士不諳吏公田但問私蝦蟆歐公
不作李侯古耳目所觸皆咨嗟僧廚無飯但有茶旁有餓者
出卽哇

無爲州道中簡薛郡丞

率爾嚴裝犯曉寒，插簷箕斗尙闌干。此行特借侍中面，許事何勞柱後冠。霧散炯如塵夢醒，山開圓作帶圍寬。朝來記報當關謁，晝寢春風燭未乾。

芙蓉嶺

冬山了無色，到有後時悔。正如中年交，各歎毛髮改。澗荒壤輿梁，歲儉斷樵采。行邁日悄悄，深谷多凍餒。飢禽叫霜風，老驢歷破塊。避峻路每迂，就狹勢頗殆。攀陟眼生花，凜烈飢起瘡。神工出斧斤，兒戲擲傀儡。頑石無文章，孤亭得爽塏。俛視雞犬稀，太息原田每。春耕已無牛，隴麥又安在一雪。走相慶，好語亦互給。公家有程期，敢勞掾吏待。休息定何時，手版。

柱頰

答天長劉明府

珊

見憶之作用原韻八首

投轄三年矣軒然氣似雲此才真嶽嶽餘子自紛紛調笑青
驄馬酣嬉白練裙當時知己語坐上有陳羣

謂白雲

余闕祠堂在蕭閒獨汝尋江風吹夢短山影入愁深仁祖琵琶想休文革帶心書空長咄咄何以慰知音

荷鍤平生事劉伶託比鄰如君真達者埋我卽陳人慷慨卞
生涕低徊越女顰大言牛作餌橫海一垂綸

已事今猶記春風儘放顛人來邀笛步佛說散花天月桂揩
粧鏡星榆鑄聘錢只憐狂阮籍塊獨酒鑪眠

歧路亡羊後侵晨得鹿初故人情尙爾作吏計原疎鄭俠流

民狀何蕃伏闕書此心良自媿不敢薄淮徐

吾黨二三子知無忘角弓頭銜循吏傳心事信天翁戶大翻
嫌醉官廉轉諱窮相思不可見遵渚問來鴻

將母心何極晨昏不敢私居隣傳舍暫貧覺板輿遲九折王
陽坂三高范蠡祠中年商出處兒輩未應知

和者數人耳求知良獨難憑會聞汲黯論或有嚴安人海微
塵渺秋風古淚彈相期各鄭重何暇問猪肝

大雪自合肥還縣作

出城但覺寒峻嶒興丁腳軟揮以肱凍泥郭索行似蟹宿醒
酩酊癡如蠅幹迴地軸作胡旋刻畫巖骨爲鋒棱古塏腰肥
頽欲臥寒鳥背重飛不騰罡風換劫浩塵海羈魂無主悽圓

冰中有古路出人世草屨一道痕相仍浮槎諸山卓停午懸
棧上裊孤生藤巢湖卷空影深黑一螢點破山庵燈村人走
告女被劫鵲雛婉變飼飢鷹買牛賣劍吾友在未敢越畔爭
田塍天公偶然作游戲下吏默禱求豐登似聞豚蹄賽田祖
久矣杯珎尋山僧迎春屈指幾日事社鼓百面敲鼕鼕

題周石甫大令西竺庵題壁集卽次原韻

誰將紅袖拂雲藍畫壁新詩滿佛龕先世文章原陸九有人
才地况陳三判來薄宦閒方悔話到無生老更貪欲向逍遙
游問訊鸞鳩曾否笑圖南

石甫令蒙城尊
莊子祠逍遙堂

皖江重晤劉海樹有詩見貽奉酬五首

江城苦滯潦卑濕先黃梅溝聲走牀下車壁生莓苔侵晨入

馬廐典謁喧如雷分行候長吏雁齒排階隈秦優竟兩立齷齪何爲哉分定非天閼鄙拙無好懷念我平生交爲政何恢恢房精下天駟俯笑諸驚駘亦復不稱意徒御多虺隤淮泗豈不深孰與漣黃埃

黃埃不可漣素心不可渝三年見子面面瘦新有鬚子瘦民則肥鬚亦與俗殊上言色養樂重親多康娛下言民氣靜求牧牛羊芻次乃吐胸臆稱心亦自諛銀河炯如昔歷歷明星榆又言旁妻賢伏阜將生駒

酒星耿在天人言伯倫死是坐何因緣怨毒至於此故人以書來驚疑各無似明知措詞難斟酌出口齒把酒謝故人河清固可俟泚泚美衣裳且暮良足耻行義苟不勉百年易盡

耳所願勗清夜并以告君子

在居巢以病乞假遂有傳爲已死者

春秋會垂隴賦詩者七子名卿擅騷雅交游自茲始平原信陵輩雞鳴狗盜比一變爲游俠迄乎兩漢止遂使黨錮風降爲衰世士後此更無論輕薄到汝爾卓哉僑與矜千載不可訾

始我之當塗從者亦淮北廉吏不可爲強之鎔銅墨當時酒後語慷慨霑胸臆云當奉仁風與民共休息何以副此言中夜輒惶惑不謂三年來相見無媿色息壤真踐之學道信有得黃鵠從風翻遨遊恣入極匪直爲名高相期各努力

贈毘陵畢莘齋并書其詠史詩後

我從江南來獨與白雲語白雲了無言閉門臥春雨雨聲淋

漉漉聒之不知中有何悲思出城惘惘將毋癡大江日夜鳴
流漸其東浮屠之古塋其西余闕之荒祠

荒祠再拜之道旁聞太息豈獨弔孤忠蒼茫意何極二十三
史如山高後來作者如牛毛移中監是何官曹螭肩斗酒君
則豪生捉七星入甕底出門拍手驚蒼濤

俗士苦少見橐駝言馬腫靈談盤古墳鬼笑祈連冢諧臣媚
子魂如煙一一哭向秋毫顛可恨者少多可憐酒闌慷慨君
之先後不知有謝臯羽前不知有魯仲連

由廬江至呂亭道中口占

龍舒東又北風景似曾經暮鳥翻山綠春牛滾麥青小車新
米販破廟古茶亭漸有豐年象田歌入耳聽

一路

一路風吹早稻香江豚六月已全黃漸聞笑語喧籬落便有
屠沽溷道旁烏犍牛閒山影暮紅蜻蜓颭水紋涼去年記得
經行處社鼓龍潭禱雨忙

望大龍山作

望中吳楚勢全吞盤鬱居然弱厚坤北走樅楊諸派合西來
灞嶽一峯尊炎官火繖撐晴昊龍女神絃賽遠村聞道有亭
蒼雨外三更先已見朝暾

練潭

如練澄湖話已非牧田無主荻芽肥新來著得閒煙水便有
橫空白鷺飛

夜行卽事

農歌夜半來田間其聲真在黃農前牛角戢戢牛耳濕牽牛
一星照臺笠客行怕指搏桑紅睡美輒聞時辰鐘一肩筍輿
斜不整月寫輿丁丁影水多田苗黃亦枯陂塘漫溢臯子
湖驛夫導我稍迂遠嘖有煩言奴僕怨吁嗟世態私蝦蟇事
過翻毀指南車

呂亭曉發至大關

曉發呂亭西遶行趁夏畦松棚蟲聚散車路月高低稽火然
牛屋野花香鹿蹊下方諸籟寂坐聽汝南雞

避雨宿八斗嶺口占示村農

一掣金蛇破暝煙淝流雨氣接淮嶼三家村舍小涼院六月

雲雷大漏天，簪熟零酤猶薄味。站荒牝馬亦高騫，怨咨何補窮檐事。稂莠能除已是賢。

定遠道中

牛羊高壠欲排空，指點陰陵路又東。淮水影搖天靛色，回民村聚樹羶風。少年刀袴鷹呼酒，大道駝綱月挂弓。誰寫篋輿好行旅，四圍新葛翠煙籠。

村店書所見

炎歊不可極，村店引征輪。餅大償飢戶，瓜涼醒渴人。移牀牛屋漏，汲井鹿場湮。此意大荒率，無爲企息塵。亦有閒庭院，胖胖檨柳新。炕煤蒸壁蝨，窗紙綴芒神。雄雉牝求牡，荒雞夜向晨。鳴箏何處所，慙媿問東鄰。

江心驛小憩僧舍

古驛騰羣廐禪枝偃獨龕養和園柳穩服散癭瓢甘慧觀閒
初覺方言久漸諳琤琤橋下水期與導師參

太息

炎風伏雨塏黃塵繡幃瀕江泣白蘋太息韋郎千載後西川
節度更無人
太守風流哭魏城銀荷初燼夢初成夢作廿五年前事繡襖
香嬰似隔生

懷遠書所見

我行塗山下山洪不可渡繫船鯨王古廟前鳬鷺飛飛上高
樹兩厓深黑漁無鑑隔湖喚渡人不膺舊時五里今十里過

淮相拒淄翻澠草間孑立老胥吏爲語乾隆廿年事水痕不
到縣門前斗米如今一千二前年豫河睢口開今年桐柏山
摧頽高田前年更苦旱今年但苦低田災仰天太息上船去
出母何由顧稚孺道旁雞犬尙相識莫向新人論毀譽淮南
六月涼如秋水蒨花胥城東樓城根人家浩煙海渡湖入市
騎牯牛灌園年少吞聲哭颿影搖空過屋角東家種菜波浸
天西舍種榴魚緣木舉手慰少年世事每反復獨不見黃流
退後渦岸肥田舍多收粟十斛

七夕泊白龍王廟

白龍王廟吼奔鯨牛斗混茫入大瀛一自秋風決睢口明河
多少白蘋生

年年河渚獨踟躕農丈人知目笑渠說與癡牛應不信離愁
不到卞田居
浮鼻能過水一灣天船況在白榆閒如何只愛聞烏鵲鸞鶴
紛紛歛翅還

江心驛至定遠

古戍樓高卓市闌傍淮程柳鳥喧喧陂塘雨積奇零水驛路
天排妥貼山滾馬塵昏雙髻改祝雞聲熟幾村聞駢駢使者
何爲爾磨得輪蹄鐵樣頑

貧谷詩鈔卷十四

海昌查揆梅史著

北樓

三峯抗層城驚翬起樓觀飛薨入荆吳初桃切星漢太守所
詠歌昕夕此泮渙匪榭舉新蕘撐碑臥古榦墻低半借鄧嵐
青欲近案綿羽寫谷音沈鱗照谿岸昭亭引遙睇宛水日東
灌川巘不可極時序亦以判興言思古人豈獨妙詞翰如何
狎塵軌擾擾迭昏旦撫候一凝竚臨觴發三嘆坐待緗桃紅
旣醉爵無算

花朝與祝南筠張研生季弟稻生兒子世燮由雙塢寺
至敬亭山憩七賢祠

陵陽迤北峯騰驚地嚴勢重高不偏平岡一跌忽散驚頑石
不受神笞鞭怒猊渴驥走相逐霜蹄迸落城南田蹶然復起
入廛市南齊太守樓其巔北樓北望太姬嬭十里山影來几
筵敬亭二月生春煙菜畦花夾桃李妍錫簫社鼓出城去我
與蛺蝶俱翩翩兩枝壞塢筆卓立一條古路繩鉤連停車翠
壁石齒齒到門細竹風娟娟額珠樓空僧去盡齋廚無焰喧
飢爲客來豈與佛作緣讀碑懷古心悠然七賢異世各風節
其遇或殊人均傳入祠再拜酌杯酒奇羽察漢鱗潛淵西南
萬疊雲濤鮮柏枏文脊爭差肩氣雄態傑作迴幹力挾二水
爲奔川川平水落見阡陌薺麥一痕青到天此時流覽那肯
去爛醉不管嚴關鍵天公作劇弄飛雨濛濛已濕歸來韉

訓南筠見貽之作次原韻

十年慚愧簿書堆，單舸衝寒亦健哉。
獻賦暫遲三殿去，看山端爲六朝來。
春風兒輩鄰肩坐，舊雨朋尊臘尾醅。
承與安排雙不借，宛谿如畫白鷗陪。

訪姜貞毅墓

一灑羊公涕，言尋謝朓山。
孤忠歸獄吏，羈旅託江關。
礪角殘碑在，澆春宿草斑。
劇憐重死別，曾不夢刀鐏。

荷祓雙羊日，倉皇出閤門。
文章猶黨禍，遷謫亦君恩。
故國春燈謎

荒阡杜宇魂，尙書遺墨在。
剪紙自諸孫，姜大司寇墓今七賢

祠楹帖云：異地同堂，傾往哲，各彰節概。殊塗合轍，拜先人與薦馨香。司寇筆也。

山杜鵑曲

宛陵二三月閒滿山谷皆山杜鵑花爛熳如霞郊行
見之與研生茂才同作

蜀江二月寒於煙啼鵲彈入鷓鴣絃鷓鴣絃江南復江北宛谿
花開淚霑臆松柯未青蔦蘿死甯谷被巖徧紺紫當年百劫
青城山綵樓縹緲非人閒內人但道腰身俗結束雲霞爲道
服君王一曲吹甘州柳眉桃臉不勝愁如今隴上冤禽欲望
帝餘魂墮江月一聲鷓鴣空斷腸百草不敢驕春陽巖局澗
戶花光濫插髻盤龍燒曉日客來騎馬輕陰天春風紅上珊瑚
鞭迴鞭拗花花不語谿岸娟娟寒食雨

王春野見示張秋塘廣文荳齋賞梅二首且云別有所
寓戲次其韻卽調秋塘

臘醅曾許瀉雲螺。振觸琴歌又酒歌。綠未成陰明月少。春真無賴苦寒多。園禽約畧窺新藥。鄰蝶淒迷認舊阿。賺煞江南賀梅子。可人風味奈愁何。

後堂如我見無因。聞說師雄夢逼真。一幘荒煙禪入畫。半窗疎影月疑人。圓苔小襯橫枝雪。穉竹狂攬隔院春。準待齋厨家釀熟。一尊敷坐話前塵。

清明苦雨次研生韻

驚外朝霞一縷明。積陰解駁不成晴。萍花欲聚先聞點。梧葉纔開便有聲。放鴿風高人上冢。獵蠅天近扇塗鴉。餒潏潏幾尺句谿水。比與春愁夜夜生。

復雨次前韻

花借輕陰分外明出城天不放新晴濃雲渡漢皆風色細水
通江亦浪聲堤柳拖來雙屐絮春泥膠似一犁餽憐他枝上
鳴鳩婦咒雨禁寒過此生

喜晴再次前韻

窻紙銀光別樣明夢迴爭說曉來晴餘寒尙怯熏衣色殘滴
猶疑漉酒聲乾鵲噪檐巢似厦暖蜂喧戶蜜如飴粲然不爲
閒花草早晚嘉禾滿縣生

題陳吉甫丈蓉江觀釣圖卽送旋里

無官已可喜况復還鄉里鄉里何所有蓉江之水秋瀾瀾有
臺可釣碕可倚老鶴橫空歸其子搶而起手執芙蓉花灼灼
照江水七十老翁何所求育育浩浩乃如此不嚙閔仲叔市

門豬肝肉不使蘇司業庫中破故紙盍歸來乎自茲始知魚
非魚喻指非指翁謂鄙人言近似獨不見陽鱗縱壑可以不
餌五十牮不能使詹何娟嬛不持釣竿子

柳灣送別圖朱梓廬先生爲吳子修作丙子之春子修
以圖來乞題則先生已歸道山十年矣次子修原韻一
首

客歸重問舊河橋送客人先噩夢遙岸柳不知塵事改春風
還發兩三條

清弋江曉行

清弋江西驛路斜如塵雨濕轎窗紗鷺鷥沙外離披影蕎麥
霜前細碎花穀賤摩肩爭入市竹深編屋易成家郭門未弛

燒香禁似蟻游民拜九華

望華亭

停車便覺道心生湛寂曾無客感侵龍象幾回成往劫樓臺
終古此秋陰鴻知避弋多遵清廟曼斷風欲縹林君聽五谿
橋下水出山心事費沉吟

九華峯影壓簾鉤精進幢原攝衆流龍樹馬鳴家法別刀山
劍獄夜壇秋開龕蓮自千花遶渡海萍纔一葉淨夾路梵聲
宣佛號不煩池水潤重樓

阻風江干宿行館待月作

客從池陽來喚渡無人膺日落澹沙渚
脚踏何能勝草草卽候館子子存雖僧
麥酒不適口買魚徒空罾此時意偃蹇
霍

霍師失鷹坐我壞牆缺遠見北岸燈燈光欲渡水水氣與之
升溟滓白一色繚繞塢幾層而月尋我來快逐風輪騰未望
影已圓稍缺猶模稜圓缺有至運君子知其恒安心任所處
勿使魂夢憎

同人小集皖城天寧寺寓齋陳復庵上舍有詩卽次其
韻

休言暮景已飛騰壁則猶然馬齒增雙鬢不知秋似海一尊
拚得酒如澗論交落落蛇憐蛇閱世紛紛鸞笑鵬聞說閉門
工覓句分應飲我墨三升

八月十六夜坐月聞笛憶去年秦淮舊游示研生

笛聲吹月上墻頭隔院雛鶯囀未休忽憶秦淮華燭夜揭來

蕭寺閉門秋漸疎酒殘非關病與話家常易惹愁閒煞丁簾
涼水閣更誰擁髻數更籌

皖口渡江沿東流岸至黃湓

曉日宣城渡西風皖口船江平帆在地村老樹爲天柘彈拋
園橘金鈴折木棉道逢田父語秋穫又豐年

自白沙嶺至五谿橋途次望九華擬以明日入山

江風西北至候雁皆南翔紛紅駭綠換淒節熬練百物爲老
蒼肩輿急走晷景短早晚直欲爭毫芒白沙皎如雪齊山鬱
相望江聲漸遠松聲涼游情與飛轡一縱不可繯岡巒單複
百重疊狹者永巷圍者墻忽然一轉叫奇絕神光逼視不可
當譬如小兒墮地初見日月光景恂悅殊非常白日欲西匿

蹠蹠多傍得五谿出迎客聒耳如笙簧深林叢薄見燈火憊
矣弛擔思投牀是何異物振山木鳴鳴狄激莫得知其詳老
僧隨手作指點輒以已意爲低昂何者蓮花峯何者青石梁
何者誦經巖何者化城卯塢太白之書堂亦如清琴夜彈髣
髴文王頎而長徒御約束爲急裝留者色愠從者狂跛奴忽
誇腰脚健病夫亦道精神強對門覓蹇騎隔夜呼資糧我暫
覓閒閒未得爾輩先作閒人忙又如遠游人歸里門近不知
何以衰衰獨漉轉有萬慮迴中腸

次日入九華山由德雲庵訪六泉不得至伏龍橋舍輿
循崖上憩甘露寺遂至大龍池觀瀑

山樓欲其靜客喧殊未斂昨暮青豆房曾不著枕簟谿橋亘

宛虹百丈牽翠湫上有善男子梵唱聲亦儼或云目連健神通闖幽險或云屍陀林慈悲施飢噉紛紛羶蟻附一一達鴻漸忽巫忽優俳亦禪亦禳禪爆沸鬼驚雷燈輝鶴吐燄聚如魚千頭散作螢萬點遶枝警霜禽巡檐怒山獫此心方寂然羣動吾何憐憫爾諸衆生昏昏墮夢魘

過橋折而南婦孺亦逐隊緣谿旃檀香風泉戛玉佩清冷忽有六六泉迹古名未廢喬柯不受翫自然拔流輩紛如蒼翠影徑路迭明晦行行大田村平疇交遠埭胡麻與香秔葵子亦如纈於時正有秋彼負復此戴纍纍更何物青黃雜瑣碎五穀旣不分荷篠所深慨村廻一箭直路恰前峯對如何一彎環轉與翠微背不見便捷途往往生障礙

九華如茵蒼碧葢圍晴空我行入花裏鑿空窺神工晏然天
風至鐸韻飄飄瓊瓏始知藕孔底乃有浮屠宮真心覓真契漸
與靈園通草庵誰接引坐見長眉翁洪流瀉萬仞玉竦縕當
中一峯忽湧出挺立橋之東飛仙或劍客狹路翩然逢奇情
蕩胸臆欲去無風驟天柱又獨秀指點如其峯一笑謝導師
置之姑無庸古人傾葢友但得心所同無勞問名氏長揖其
猶龍

乞食舍衛城佛固自有說非謂彼窮子遂可藉口舌西風古
道旁葉葉吹黃蘗飢鷲攫食飛物類感所切布施長者行此
輩信孤孽遺穗方堆田忽亦舍農畷長跪告路人但言籽粒
絕老穉亦從之百態弄詭譎去攀居士衣亦臥長官轍得錢

聯臂歸翻謂赧者拙此豈敦龐風蹴爾或不屑縱理入口人
其家有金穴

陡然幾千丈勁羽飛難過前身戒禪師階級記已訛梯空出
萬竹一碧啼湘娥韻曼鐘磬遠勢敵峯巒多高高折屢上密
密捐相摩仰見帝釋天松頂危如窠彼中清淨法一力蠲煩
苛方丈僧臘高瞰飯餘無他如聞戒壇外花雨紛曼陀內有
六年樹閱世如洹河陰森不敢逼恐被伽藍訶一燈讀離騷
讀山鬼女蘿

讀碑碑有言碑言事所佚巖前老虎洞乃作者闔岫虎竟避
之去是坐何神術師言一死生一切無所怵玉林老尊宿春
風攜柳栗謂是賢劫才就洞呼之出道場因以開飛甍煥丹

秦人天大歡喜甘露一夜溢苦行修淨土正患心性汨驅之
熱惱場還復勞棒喝嘗疑西方言義每自相悖萬有既虛無
甚至不生滅死灰藁木然直與天地畢又何精進心又何勇
猛力乃知佛之空是卽儒之實餓虎尙可飼怖畏復何物手
挾須彌山可超北海闊彼能空諸空始得佛其佛觀空卽無
我妙諦衍作述持此問虎師洞內睡方渴

甘露寺爲虎
洞和尙建

黃海浮東南大江抱其左翼然半霄亭極目見飛舸不知船
窻人著眼可到我我自龍池庵勇往意甚果墉城戢戢高列
嶂削雉梁關門虎豹蹲誰實司鑰鎖上與帝坐通屏息不敢
情危闌盤青冥顛厓疊礪砢初如姬公僕旣笑卻克跛堯廟
踢壁行石室爛柯坐自來好境界大半出轆轤飛乳五百道

氣壓萬竹筍青天走玉龍綠雨隨之墮洶洶亦何爲去去竟
塵堞昔聞川上歎逝者如斯頗固知在山清欲住勢不可

華陽橋

一峯欲飛舞送客華陽橋佛日前塵夢松風何處潮谿迴歧
路別代遠劫灰消爲謝閒猿鶴東厓去已遙

題徐涵秋乞食圖

門前顯者來墻閒乞食去一妻一妾泣相語蚯蚓瘦欲死螻
蟪肥如何口中肉塊皆生驚之二人者孰比似盜跖夷齊一
彼此吾友城北徐唯唯復否否嚴妝如天人不少齊人婦相
公厚我立馬廐一身以外皆公有劉四善罵人爾是何雞狗
獨不見阮藉醉眠鄰婦許生兒似君亦似汝半生蕩落總尋

常百感蒼涼祇迂腐俗物陶胡奴可笑謝仁祖月食不盡西
斗米吾輩何知世人禮旣非世尊托鉢舍衛城亦非中書澹
縷歌姬院但願吹簫年年伍胥市澆酒夜夜劉伶墳送窮何
苦徒紛紛

訓王春野卽次其韻

鳳鳥下搶鸞鳩笑反舌在側將何求江湖善下信美德山木
自寇非貽羞小人女子古難養校人鄭國烹生脩監河貸粟
亦常事本來式好無相尤須彌芥子各平等慎勿自膠坳堂
舟歐公齒豁易得謗相期學道良優游

宣州歲暮次研生韻

已事真如博進侯南齊風物此登樓張湯老媿亡三篋溫嶠

才羞第二流疊嶂雲煙虛野馬西湖徒侶有閒鷗崢嶸歲晚
無餘事坐對如澗作拍浮

陸展星星髻影催愁城端仗酒兵開檐喧廷尉羅餘雀瓶亞
尙書賦後梅四坐羽觴飛夜雪十年芋火話寒灰宣州太守
方三十新自迎春寺裡回

清才端合侍明光漫說紅蓮綠水香句裏梅花何遜集風前
蛺蝶魏收狂笑看鬱壘門三戟貧羨侏儒粟一囊期爾搏霄
梭健翮欄衫利市者番償

元夕喜雨次研生韻

此夕觥船棹百分一犁春雨敬亭雲沾衣但覺寒猶陡潤物
纔如酒半醺燈落魚龍還作劇池寬鷺鷥亦能軍尊前彈入

零鈴曲別有閒愁不可聞

楊花化萍曲

研生閨怨有句云妾比楊花還命薄楊花應有化萍時
蓋有所指也暇日述及顛末爲賦此詩

春風亂吹郎馬蹄金腰褭趁楊花飛花飛逐馬馬蹄速郎如
車輪反又覆反覆何足論妾言君試聽不爲道旁花願作波
上萍萍花涼萍葉香上有芙蓉曲柄撐銀塘下有明璫翠羽
雙鴛鴦禿鶴何來旣雄且鷺尾生橋下水大至楊花漫漫不
上故枝君子有心不如蒼施來日當大難離別行何之蘭陵
之酒金屈卮天知地知爾知我知信誓旦旦徒爾爲楊花飛
飛燕燕張公子幾時見

題王春野主簿敬亭山下種花圖

簿解春風宛水潯
隱囊紗帽獨沈吟
呼童點檢新桃李
多少披榛翦棘心

日夕照亭廟下過
吏閒負鍤此山阿
圖成儻乞河東傳
我亦當年郭橐駝

移竹

鷺尾初分幾尺強
最宜卑濕也宜涼
排來厯日長無礙
傍著梅花颭亦香
鳥雀似爭新篠
開兒童商疊小山
忙明年結夏青琅
社擬向南牕置竹牀

乞花

宋玉東牆日日過
討春時候未蹉跎
但隨蜂蝶尋應得
許涉

亭臺折恐訛低首已爲卿輩屈稱心常覺別家多不知開閣
羣姬散處仲當時又奈何

戲題醉玫生小像

天漿釀得爛如霞百琲蜨珠價亦賒解笑瓊臺雙闕底仙郎
只辦喫胡麻

瓊思瑤想日千迴抵死風情未肯灰手種糟邱臺上樹此花
名字是徘徊

瓢勺難勝醉不辭參來鼻觀妙香知拈花一乞傾城笑已是
醍醐灌頂時

幕天席地幾回顛抱影迴身倍可憐不醒便教埋亦得仙人
掌上柳屯田

題歐陽太守看劍引杯圖

繁花吹雪涼堂濕太守豪吟拓金戟歌成寶劍圖寫之款識
雲雷人不識古來說劍說士同眼中有鐵無雌雄自要芙蓉
出秋水那無鵬鶚厲霜風銅雀臺高漳水下雙衛何曾過廣
野歛然一掣神物驚坐中如見虬髯者其旁一姝長娥青琉
璃鐙影行伶偶闌干迸落電氣紫劍光如月鐙如螢湛盧曹
豪百萬值劍是先生下酒物酒酣以往氣淋漓畫師何能著
一筆糟牀夜漉聲如潮別有好事雙垂髻麴痕紅入畫簾底
薛燭風胡不敢驕丈夫四十冠佩劍况此江南風月艷政成
談笑敬亭雲豈有人間不平念王濟愛馬支遁鷹謂其神俊
能飛騰五官中郎直遊戲彈碁握槊誠羞稱時清閭左無游

倚黯也淮陽肯高臥呂虔刀自贈三公顏高弓應傳四坐

獨酌

江南三月客愁多缸面鱗鱗酒欲波纔著春陰先爛醉曉風殘月奈君何

世事彈碁局日新藉糟枕麴獨天眞自從日飲亡何後絕倒瓠肥噉飯人

寂寞誰爭没世名糊塗真足了平生趙州墳土抔然在多是人間塊磊成

姜貞毅早朝圖爲聽珂別駕廷燦作

尙書來置冢尸一塊江南乾淨土別駕來拜公像上殿朱雲抑可想早朝圖前荷戈後此冊乃落老胥手絹素慘澹神依

稀贈言鄭重林佳璣林之文章不如魏論交此獨知其微金
爵觚棱天北極朝衣朝冠有憂色皐陶之面如削瓜一瘕瑩
然如漆黑東林點將黨禍曾客魏誅殛思陵能二十四氣誰
所託柄國復起周宜興神羊觸邪獨請對熊魚山外究安在
乾兒假子畏不奔先候宰相公車門

似聞

似聞弋者簋歸鴻且醉開元水閣東孤墻勢高先得月危樓
地空不當風飛沈已擲疎狂外圓缺難忘感慨中多謝汪洋
黃叔度襟期許我一尊同

謂白下
黃秋齡

今夕

今夕伊何夕羈愁感歲華候蟲寒弔月鄰犬吠衝花閒榻無

留夢驚枝少定鴉去年攜手地燈火是誰家

九月十九日華亭王孝廉

慶應

太平王孝廉

光彥

涇縣

胡孝廉

貞幹

過訪寓樓期而不至者張徵士炯

涼颼何颯然吹我毛髮冷如彼夢幻間忽又轉一境登樓物
候殊卽事予懷耿稊楊幾株黃潦水一池炯平生所尊尙獨
在懸與鯁其病或迂時犀通木有癭而子豈不賢見面適未
省蕭寥謝塵牘素髮散垂頸淳于飲亡何莊舄病有頃當官
非厲階幸免至今梗知我良無他入坐快合并文章雖小道
唯阿固不肯爲指古浮圖老矣越孤迥眼前三四輩氣壓一
城靜重陽已十日霜菊亦頽頂幽憂藉過從意樂畧比並吾
友各異縣予亦返里并願無忘久要所貴直節挺徵君期不

來毋乃笑噲等

一鐙

緣短須臾過宵分轉輾頻懣除前世孽消受半生貧太息羈
孤者曾無慰藉人一鐙兒課讀魂可聽能真
醉亦無人管歸來倍黯然喚茶涼似水欹枕夜如年夢尙生
前相癡虛劫後緣掩閨誰共語老淚獨涓涓

壅粥嘆

種壅露葵下採壅黃葉陰移葵就黃葉一一皆苦心上山多
肥蠶入水見沙蟻但見肥者日以稀瘦者多往北邙北慈烏
哺其雛雛年十三五東鄰驚鳴惱西家鼃鼃怒斗水不可漑
勺米不可分兒多米粒少飢飽何由均剩我釜中菜哺兒槐

中粥嬌女見菜啼幼兒爭粥哭秋風吹銀牀鹿盧迴母腹含
悽語兒女明日早飯足

紡車嘆

潮來木棉紅潮落木棉白海堧誰家女紡車生六翮潮聲有
斷時不聞紡聲歇阿爺老且病阿母烹伏雌阿母來喚女彎
環搖涼颺有兄抱書讀問事百不知阿弟方六七顛倒恒遭
笞女啼母太息慰藉呼諸兒南箕北有斗要見翻身時於時
方嚴冬朔風吹破扇勞勞轉輕輪翩翩飛素練今夜車上紗
明午甬中飯

斷琴嘆

馳鳴圓牛鳴牟不知若輩作何語清琴一彈天地秋一彈薇

山落蒼雪再彈硤石之水東南流谿南草屋梅花開鹿車聲
自花閒來抱琴初入門解囊爲君壽鄧家銅山多乳臭雄雞
初鳴雉初雊臥君牛衣坐君廐迴腸爲絃心爲聲朝飢相對
和且平聽蟪蛄悲虎兕汝吾閨中一鮑子彈續續琴聲悲二
十四年徒爾爲

水閣寫望

沍雲嚴壓女牆低檻外句溪接宛溪霜野已空遺穗盡飢鳥
寒雀滿枝啼

王彥子王澹淵張惺齋胡時棟先後過從各有見貽之
作奉酬四首

文章不媚俗湖海孰論交有客如劉蛻無人拜孟郊名心秋

葉冷時局劫碁拋白岳蒼茫甚歸尋舊結茅
短簿風流甚過從况紀羣扁舟宛谿水團扇敬亭雲逋峭才
難及迂疏謗易分六詩三筆在傾倒獨因君

五十張噉土塵秋白下還不曾嫌俗吏肯與話江關博學九
經庫高名六聘山百年宣武淚衰柳不堪攀

城北翩然者端居第七車青楊何妥樹紅杏朱祁家失喜今
來雨誰搏散後沙天津橋上見難及此年華

晨起見院中蠟梅慨然作

塵霜鬪雪鐵蟠空黃萼紛披一畝宮著意欲開開便了不曾
含藥待春風

十二月十七日

去年華燭底戴勝一軒渠衰鬢頻憐汝深杯轉勸予此生良
已矣往劫竟何如風雪羈愁夜呼兒話歲除

東坡居士生日作

墮地光芒萬丈餘歐蘇母教畧相如范滂列傳依然在雪涕
何心讀漢書

歲除示變兒二首

遽瑗年纔老張儀舌尙存才猶冀世用貧亦戴天恩
枯櫓餘灰冷屠蘇劣酒溫亡書三篋在燈火與重論

失母兒同父殘年哭當歌宦游今若此家祭夜如何紙爆新
聲壯桃符舊樣訛閭中看代謝感慨敢知他

元日

池館幢幢燭兩枝醒來初日上采思開門說與梅花道已過
風餐雪虐時

常生

元韜

從子游六年臨別口占贈之

看君上馬獨飛揚五十鬚眉尙戟張可惜飲飛好身手不曾
從獵賦長楊

梁宋妖星五夜高羽書如沸下秋濤與君記話淮南事三百
銀槍雪樣豪

吳思亭屬題喬石林一峯草堂看花詩冊

縱棹園荒幾社湖河東先友記模糊零縑剩紙摩挲劇留得

張爲主客圖

冊中詩爲管谷
西厓竹垞初白

城南初借一峯佳諸老風流挈笏張丈殷兄無恙在都籃

筠榼過斜街

藤陰點筆儘高歌辛苦身輕一鳥過始信
公居士集晚年塗乙字尤多

稗石先生貽思亭畫竹卷

偃枝多作玉鉤鎖瘦葉斬如金錯刀侍郎七十南湖老放筆
猶然爾許豪

京華老輩亦闌珊疏傳歸來鬢已殘林下幾年閒況味畫成
將與故人看

題思亭青霞畫冊後

吾友翩然者題詩太白樓滄江舊明月吳楚一扁舟亦欲攜
長簑相將吹暮秋言尋敬亭路直下宛谿流

與思亭相值皖江流連話舊臨別賦此三首

思之不可見忽作適然想古者遇不期義例創吾黨春風吹
落花散易聚或儻晨興聞足音相見各鹵莽彈指六七年擾
擾悲既往不知鬚髯老但看見輩長江月劇婢娟江風太颯
爽酒酣百不聞聞君言慨慷如彼瘡痍者爬搔慰奇痒

達哉鼓盆歌走亦再三讀古之傷心人歌乃過於哭况復此
鮮民何敢怨單獨烏飛尾畢道雞飛聲隔膊此心如杵日旦
夕擣已熟行畧十數行相向淚盈掬瑣屑詎動人感君友愛
篤客來喚羹湯蹀躞誰在屋翁媪且斲之天乎蓋已酷

畏影走日中欲逃將安之逃既不可得坦然隨所施君乃顧
我笑老大何其癡發君篋中裝覆我掌上卮看碑或竟夜讀

畫恒逾時雨直衝泥過醉亦投牀遲眼底飽犀貝胸次蟠蛟
螭忽復揖我別乞我爲文辭嗟峨盛唐山突兀漢武祠君看
縱陽江迴瀾何漣而去古日以遠望古日以悲客愁與春水
搖曳新楊枝

項孔彰畫酒甕桃花爲思亭作

鴛鴦湖水不作酒破甕又落老兵手仲舒者誰亦老慳當日
王宏有此否毫端簋廉陶人同酒氣騰土爲春風醉鄉節物
太嬌妩黃泥縫坂花當中以甕還甕故無恙何似人間補鍋
匠請君入甕一看花別有雞犬秦人家欸識分明年乙酉萬
里長江畫何有

江孔彰有長萬里卷

南朝汊社酒人多扇底桃花奈爾

何

卽目

江雨初晴暝尙賒過墻蜂蝶鬪牕紗不知春事在何許庭角
一叢薺菜花

申耆招同道暑王氏江亭話海樓之異

城南道暑誰與同李侯健者鸞如鴻有亭翼然瞰沙渚遮邀
不使江流東娟娟修竹弄晴影滔滔遠浪搖秋空就中一事
得奇歟坐覺樓閣皆空濛衰旺感召固至理緯識其始機祥
終海樓已死歲一紀雨露不復煩天工苑枯人世那可料忽
焉堂密新煙籠主人格物諳物性阿奴下策宜火攻洪爐煨
熱一塊鐵鍼砭入骨空腔紅神魚燒尾奮奇鬣病馬烙蹏馳
驚驥世鑒軟媚廢炮炙可憐脈弛筋皮慵樓平階除善自愛

百年如汝知天風

主人言烙鐵釘之枝葉愈盛故又名鐵樹

庚辰正月三日對雪示兒子世燮

門外桃符歲又新
祥琴彈徹大江濱
漫言境地同甘蔗
但覺情懷似濕薪
錢可通神何必爾
酒能喚老不須人
梅花遶屋書千卷
如此袁安未是貧

寄海樹

竭來息壤擬相尋
聞道屠蘇熟易斟
定遣衣裙迎沈約
肯無書酒慰蕭琛
神魚絕壑誰能縱
大鳥三年已近瘖
安得鷓鴣絃賀懷智
銅琶彈出此時心

又

自雉青雲記乍逢
而今慙媿足音登
鱸魚莼菜歸何易
蕙苒

明珠謗儘容大抵士流疑孔顓幾曾父友傲梁松仰天一笑
冠纓絕髡也猶能當酒龍

煖炕

琯灰吹玉送寒飈投老溫柔未許描如我積薪悲往事更誰
熨體慰今宵秋衾銅輦魂應暖紙帳梅花雪易銷閒煞熏籠
雙睡鴨曲屏南畔夜迢迢

窰花

經營三窟幾時便萬紫千紅墜及泉愛護自緣容絕代吹噓
真有力回天分明士女圍爐夜觸迂英雄複壁年記取一叢
深色在春風雖好不爭先

過集賢寺訪鄧石如瘞鶴處

我於完白山人無平生愛其壁窠大字能縱橫天發神識皇
休明不然華陽真逸瘞鶴銘鶴乎可仙不可死翁旣奇窮鶴
亦爾百年誰是丁令威墳土如今薄如紙太守者誰夫已氏
朱門酒肉臭如此忽然好鶴何爲哉雄者被刼雌徘徊徘徊
憶儔匹七日不食毛羽摧山人具衣冠稽首諸輿儻可憐驚
馬骨敢辱黃金臺招魂山寺梅花開一堆玉雪埋蒼苔雌來
一叫亦痛絕驚驚鵲鵲百鳥相顧如死灰山人之筆真宰似
勒銘爲文記終始吁嗟青陵臺下土吁嗟田橫島上士澆君
墳上酒百壺虞公之璧奚爲乎獨不見昭陵襖序帖清明上
河圖

桐城道中驟暖過驚蟄數日耳

出門畏風雪衣篋頗鄭重敗絮或見遺瀕行輒自訟重陰旣
解駁百羽鬪新哢敝裘不可禦襦裋壓飛鞚馱重腰脚頑執
鞭有餘諷豐年米如土尙抱甕百甕是豈爾所知甫暝卽忘
凍無此每苦寒有此恃無恐古來衣被才不在用不用

過左忠毅公墓道

社稷翻三案風雷泣百靈移宮冲子定歸骨故山青血碧猶
縈草星沈不作螢施張何手筆慙煞奄祠銘

洋犬

獬兒滾雪尾搖金抱上矚瑜吠不禁從此狸奴無住著自擒
蝴蝶過花陰

宿九鋪風雨次日喜晴作

谿風陡捲屋茅飛坐雨深愁酒力微侵曉輿夫如誰噪暗塵
吹盡不霑衣

呂亭

驛路此頻經年光又斬新驢鳴山店午雉雊麥田春澗戶修
殘碓村車聚獨輪龍眠明似畫誰問李公麟

陸學博

繼輅

招同劉海樹大令韓奕山方柳村

陶家梅

鳴

安世

小集

相望雲龍二十年相逢多作柘枝顛神交夢許通高敏才子
官偏老鄭虔東閣幾人成墜雨西湖回首祇秋煙酒闌記得
前塵在宦海名場一惘然